



**SEORANG** pekerja membersihkan jalan yang terkena serpihan pokok tumbang di Jalan Sultan Ismail, Kuala Lumpur semalam.

## Banyak pokok tua tunggu masa tumbang

**KUALA LUMPUR** – Dewan Bandaraya Kuala Lumpur (DBKL) telah mengenal pasti banyak pokok berusia antara 50 hingga 80 tahun di sekitar ibu negara dan menunggu masa untuk tumbang ketika cuaca tidak menentu ketika ini.

Sehubungan itu, Menteri di Jabatan Perdana Menteri (Wilayah Persekutuan), Dr. Zaliha Mustafa berkata, DBKL akan mengkaji semula garis panduan penjagaan pokok-pokok tua itu.

Katanya, pokok-pokok tua itu kelihatan tegap tetapi ada garis panduan yang perlu diambil

demi keselamatan orang awam.

“Data berapa banyak pokok tua kita tidak ada buat masa ini, tetapi pemantauan akan dilakukan bagi mengesan berapa banyak pokok tua yang masih ada,” katanya.

Menurut Zaliha, pemeriksaan pokok dilakukan secara kerap oleh DBKL dengan pemantauan dibuat dua tahun sekali.

Tambahnya, pokok yang tumbang kelmarin berusia lebih 50 tahun dan di bawah pemantauan pihak swasta.

“Kita masih berbincang untuk memberi pampasan kepada mangsa,” katanya.